



**Ocvlvs, Hoc Est: Fvndamentvm Opticvm**

**Scheiner, Christoph**

**Freiburg i. B., 1621**

Cap. XVI. Quest. 13. Quare accensæ lampades procul conspectæ nigris  
lacunis respersæ apparent?

---

[urn:nbn:de:hbz:466:1-71258](https://nbn-resolving.de/urn:nbn:de:hbz:466:1-71258)

nascentur, donec in singula axes opticum inuehat, mora in qua-  
rendo aliquanta intercedat. In magna ergo oculi dilatatione spe-  
cies omnes utcumque debiles & confusæ Retinam insident, & sic  
minuta sensum vix mouent; in parva, ubi axis Opticus potissimum  
dominatur, tempus intercedit, donec species illius rei cum axe  
optico concurrat. Et sic parva antissa, difficulter reperiuntur, &c.

## CAPUT XV.

Quare rem palpebris non nihil corrugatis, & con-  
niuenti quasi oculo, distinctius videmus,  
quam planè aperto?

**Q**Via radij refracti, & lux nimia specierum nouera (diluit eni-  
cas, ut sola oculum possideat) hoc modo excluduntur, & re-  
liquæ imagines ordinatus & mundus in Retinam depinguntur  
ut patet experientia foraminis in lamella. &c.

## CAPUT XVI.

Quare in candelis accensis procul visis plurimas  
quasi nigræ maculæ aut foramina  
apparent?

**Q**Via vel in Cornea & eius humectatione, vel in Aquo, aut  
in Crystallino, seu denique in ipso tunicae Retinæ fundo  
insident aliqui pori, vel bullæ, aut maculæ, seu denique ho-  
terogenea quædam portiunculæ alicuius dispositio, quæ tales um-  
bras & lacunas in lumen apparterent transmittit. Hoc autem ita  
esse experieris abstersione vel frictione oculi, mutabuntur namqu  
aliquot hiatus; quod si qui statim manserint, attribues id temperie  
oculi innatae. Non esse autem illos nigrantes vel umbras vel la-  
cunas vel in vel ab obiecto, hinc certo erudiaris, quod ipsæ oculo  
in faciem quamlibet conuerso, aspectui eodem modo obuersentur;  
ex quo impossibile est, eas in ignem coniungere: & quod alias ostendit finis.

dit sinister, alias oculus dexter. &c. Hinc ex parte sit, ut astrum aliquod per solum vitrum conuexum spectatum extra concursum radiorum refractorum, tam lacerum & perforatum appareat. ex parte dixi, quia id etiam à bullis vitri accidere quandoque solet & potest.

## CAPUT XVII.

Quare homines ebrij, aut sobrij quidem, sed oculis plus nimio humectatis vnam rem geminam vident, & hoc quidem secundum latitudinem tantum, non autem secundum altitudinem?

**P**rior problematis pars clare proposita est; posterior ruditioribus non nihil obscuritatis forsitan præse terat. Lucem addo in exemplo. Videt aliquis procul ambulantem hominem, & cum sit unus, apparet geminus, & hoc quidem modo, ut utraq; imago partes corporis homologas colloctas habeat, intra eadem plana pavimento parallela, adeoque altitudinis & qualis existant eiusdem membra simulachra; nec caput capite, neque thorax thorace, neque manus manu eleuator aut depressor existat: cum ergo unius hominis positio duplex non sursum aut deorsum, non pone aut retro, sed tantum in latus dextrosrum aut sinistrorum contingat, huius rei ratio exposcitur.

Aut res apparet gemina utrique oculo aperto, aut unitantum. Si utraq; ita quidem ut uni oculo res simplex, duobus tamen duplex conspicitur: tunc tota ratio in distortum oculorum sicut reicienda videtur, quod hac questione non ventilamus, cur autem clauso uno oculo, res una nihilominus alteri aperto duplicetur, hoc loco inuestigamus. Caussa igitur universalis est haec, quia rei unius imago in tunica Retina geminatur, & hoc ideo, quia pyramidum a re visibili in oculum prolapsarum communis concursus Retinam vel omnino non assequitur, vel multum transcendent, & sic imaginum diuisio, obiectaque in fundo Retinæ multiplicata positio contingit. In ebrijs quidem haec rationes in particulari as-

Hh 2 signari